



12 April 2018  
12 April 2018  
P.U. (A) 97

# WARTA KERAJAAN PERSEKUTUAN

## *FEDERAL GOVERNMENT GAZETTE*

### PERINTAH PASPORT (PENGECCUALIAN VISA KEPADA PELANCONG WARGANEGARA INDIA) 2018

### *PASSPORTS (EXEMPTION OF VISA TO TOURIST WHO IS CITIZEN OF INDIA) ORDER 2018*

DISIARKAN OLEH/  
*PUBLISHED BY*  
JABATAN PEGUAM NEGARA/  
*ATTORNEY GENERAL'S CHAMBERS*

AKTA PASPORT 1966

PERINTAH PASPORT (PENGECCUALIAN VISA KEPADA PELANCONG  
WARGANEGARA INDIA) 2018

PADA menjalankan kuasa yang diberikan oleh seksyen 4  
Akta Pasport 1966 [*Akta 150*], Menteri membuat perintah yang berikut:

**Nama dan permulaan kuat kuasa**

1. (1) Perintah ini bolehlah dinamakan **Perintah Pasport (Pengecualian Visa kepada Pelancong Warganegara India) 2018**.

(2) Perintah ini berkuat kuasa bagi tempoh dari 1 April 2018  
hingga 31 Disember 2018.

**Pengecualian**

2. Menteri mengecualikan pelancong yang merupakan warganegara India daripada  
kehendak visa di bawah subseksyen 2(1) Akta tertakluk kepada syarat yang berikut:

(a) pelancong itu hendaklah berdaftar dalam sistem pendaftaran dan  
maklumat perjalanan elektronik yang disediakan oleh Ketua Pengarah  
dan pendaftaran itu boleh dibuat—

(i) oleh pelancong itu sendiri; atau

(ii) bagi pihak pelancong itu, oleh agensi pelancongan di India yang  
berdaftar dengan Pejabat Perwakilan Malaysia di India;

(b) pelancong itu hendaklah melakukan perjalanan ke Malaysia dalam  
tempoh tiga bulan selepas dia berdaftar dalam sistem pendaftaran dan  
maklumat perjalanan elektronik;

- (c) tempoh lawatan pelancong itu terhad kepada lima belas hari sahaja dan tidak boleh dilanjutkan;
- (d) pelancong itu hendaklah memasuki dan keluar dari Malaysia hanya melalui lapangan terbang yang dibenarkan atau pos kawalan imigresen seperti yang berikut:
  - (i) melalui udara—
    - (A) U12A Lapangan Terbang Antarabangsa KL, Sepang;
    - (B) U05 Lapangan Terbang Pulau Pinang, Bayan Lepas, Pulau Pinang;
    - (C) U15 Lapangan Terbang Sultan Ismail, Johor Bahru, Johor;
    - (D) U17 Lapangan Terbang Kuching, Bahagian Pertama, Sarawak;
    - (E) U29 Lapangan Terbang Kota Kinabalu, Sabah;
    - (F) U02 Lapangan Terbang Antarabangsa Pulau Langkawi, Kedah;
    - (G) U14 Lapangan Terbang Melaka, Batu Berendam, Melaka;
    - (H) U16 Lapangan Terbang Labuan, Wilayah Persekutuan; atau
    - (I) U23 Lapangan Terbang Miri, Bahagian Keempat, Sarawak; atau

(ii) melalui darat—

(A) D11 Bangunan Sultan Iskandar, Johor;

(B) D12A Pos Kawalan Imigresen Kompleks Sultan Abu Bakar,  
Tanjung Kupang, Johor;

(C) D01 Padang Besar, Perlis;

(D) D06 Bukit Kayu Itam, Changloon, Kedah;

(E) D20 Sungai Tujoh, Miri, Sarawak; atau

(F) D22A Pos Kawalan Imigresen Tedungan, Daerah Batu Danau  
Limbang, Bahagian Kelima, Sarawak;

(e) pelancong itu tidak dibenarkan untuk memohon apa-apa pas lain di bawah Peraturan-Peraturan Imigresen 1963 [*L.N. 228/1963*];

(f) pelancong itu hendaklah menaiki penerbangan terus dari India ke Malaysia atau memasuki Malaysia melalui Singapura, Thailand atau Brunei, dan mempunyai tiket penerbangan balik terus ke India, atau melalui Singapura, Thailand atau Brunei jika pelancong itu melakukan perjalanan melalui udara;

(g) pelancong itu hendaklah, semasa ketibaan, mengemukakan bukti bahawa dia mempunyai wang poket yang mencukupi, kad kredit atau kad bank dan mengemukakan jadual perjalanannya di Malaysia; dan

(h) pelancong itu dibenarkan untuk mendaftar semula sebagaimana dalam subperenggan (a) untuk memasuki Malaysia selepas tempoh tiga bulan dari tarikh dia meninggalkan Malaysia.